

萬 有 文 庫

第 二 集 七 百 種

王 雲 五 主 編

廣 羣 芳 譜

(二 十 二)

清 聖 祖 敕 撰

商 務 印 書 館 發 行

廣 羣 芳 譜

(二十二)

清聖祖敕撰

國 學 基 本 叢 書

廣羣芳譜卷第九十四

藥譜

仙茅

圓仙茅

海藥本草云其葉似茅久服輕身故名梵音呼爲河輪勒陀

一名獨茅

圖經本草云其根獨生故名

一名茅瓜子一名婆羅門參

詳見後圖經本草

初出西域今大庾嶺蜀川江湖兩浙諸州亦皆有之葉青如茅而軟且略闊而有縱紋又似初生櫻欄秧高尺許至冬盡枯春初乃生四五月間抽莖開小花深黃色六出不結實其根獨莖直大如小指下有短細肉根相附外皮稍麤褐色內肉黃白色二月八月採根曝乾衡山出者花碧五月結黑子處處大山中皆有人惟取梅嶺者用性辛溫有小熱小毒治心腹冷氣不能食腰脚風冷瘰癧不能行丈夫虛勞無子久服通神強記益顏色健筋骨長肌膚助精神明耳目填骨髓許真君書云仙茅久服長生其味甘能養肉辛能養節苦能養氣鹹能養骨滑能養膚酸能養筋宜和苦酒服必効

【七言絕句】

宋范成大玉虛觀去宜春二十五里許君上昇時飛白茅數葉以賜王長史王以

宅爲觀觀旁至今有仙茅極異常草備五味尤辛辣云久食可仙道士煮湯以設客白雲堆裏白茅飛香味芳辛勝五芝採葉煮泉摩腹去全勝石髓畏風吹

別錄原【圖經本草】開元中婆羅門僧進此藥。明皇服之有效。禁方不外傳。天寶之末。方書流散上都。僧不空三藏傳司徒李勉。尙書路嗣供。僕射張建封。給事齊抗服之。皆有效。路公久服金石無效。得此藥。其益百倍。齊給事生平少氣力。風疹繼作。服之遂愈。五代唐王顏著續傳信方編錄服仙茅方。當時盛行。云十斤乳石。不及一斤仙茅。【本草會編】五臺山有仙茅。患大風者。服之多瘥。【本草綱目】按范成大虞衡志云。廣西英州多仙茅。其羊食之。舉體悉化爲筋。不復有血肉。食之補人。名孔羊。沈括筆談云。夏文莊公稟賦異於人。但睡則身冷如逝者。旣覺。須令人溫之。良久乃能動。常服仙茅。鍾乳。硫黃。莫知紀極。觀此則仙茅蓋亦性熱。補三焦命門之藥也。惟賦稟素怯者宜之。若體狀火盛者。服之反能動火。按張果醫說云。一人中仙茅毒。舌脹出口。漸大與肩齊。因以小刀斨之。隨破隨合。斨至百數。始有血一點出。曰可救矣。煑大黃朴硝與服。以藥摻之。應時消縮。此皆火盛性淫之人過服之害也。弘治間。東海張弼梅嶺仙茅詩。有使君昨日纔持去。今日人來乞墓銘之句。皆不知服食之理。惟藉藥縱恣以速其生者。於仙茅何尤。【製用】清水洗。刮去皮。槐砧上用銅刀切豆許大。生稀布袋盛。黑豆水內浸一宿。取出酒拌濕蒸。從巳至亥。取出曝乾。勿犯鐵器。及牛乳斑人鬚鬚。彭祖單服法。竹刀刮切。糯米泔浸。去赤汁出毒。後無妨損。

園玄參一名黑參。以色名也。本草註云：其莖微似人參，故得參名。一名鹿腸。一名馥草。開寶本草云：合香家用之。故俗呼馥草。一名玄臺。一名重臺。一名正馬。一名逐馬。一名鬼藏。一名野芝麻。宿根二月生苗。葉似脂麻對生。又如槐柳而尖長。有鋸齒。細莖青紫色。七月開花。青碧色。八月結子。黑色。又有白花者。莖方大。紫赤色。而有細毛。有節若竹者。高五六尺。一根五七枚。微有腥氣。地蠶喜食之。故其中空味苦。微寒無毒。治胸中氤氳之氣。無根之火。與地黃同功。其消瘰癧。解斑毒。亦以散火之故。

別錄【炮炙論】凡采得後。須用蒲草重重相隔。入甑蒸兩伏時。曬乾用。勿犯銅器。餌之。噎人喉。喪人目。

地榆

園地榆一名玉豉。

本草註云：其葉似榆。初生布地。故以其味酸。其色赭。故也。俗又訛赭爲棗。

名。其子紫黑色。如豉。故又名玉豉。

一名王札。一名酸赭。蘄州呼爲酸棗。

綱目云：外丹方地榆一名酸赭。

葉似榆。葉而稍狹細長。似鋸齒狀。青色。七月開花。如椹。子紫黑色。根外黑裏紅。似柳根。味苦。微寒無毒。消酒止渴。補腦明目。止膿血。除惡肉。療金瘡。此草霧而不濡。太陽氣盛也。燒作灰。能鑠金爛石。故道家煮石方用之。炙其根作飲。若茗。取其汁釀酒。治風痺。采其葉作飲亦好。又可燉食。

園【東華真人煮石經】昔西域真人王屋山人王常言。何以得長壽。何不食石。用玉豉。玉豉者。卽地榆也。昔尹公度聞孟綽子董子固共相與言。曰。寧得一斤地榆。安用明月寶珠。

丹參

圓丹參一名赤參。

以色名也。

一名山參。一名郗蟬草。一名木羊乳。一名逐馬。一名奔馬草。

四聲本草云：丹參治風軟脚。可及奔馬。故

名。二月生。苗高一尺許。莖方有稜。青色。一枝五葉相對。如薄荷而有毛。三月至九月開花。紅紫似蘇花。成穗如蛾形。中有細子。根大者如指。長尺餘。一苗數根。皮丹而肉紫。味苦微寒。無毒。破宿血。補新血。安生胎。落息胎。破癰除瘕。排膿止痛。定精養神。定志通利關脈。婦人明理論云。四物湯治婦人諸病。調婦人經脈。皆可通用。一味丹參散。與之同功。

紫參

圓紫參一名牡蒙。

與王孫同名。

一名童腸。一名馬行。一名衆戎。一名五烏花。

以形得名。

苗長一二尺。莖青而細。葉青

似槐葉。亦有似羊蹄者。五月開花。白色。絕似蔥花。亦有紅紫而似水荳者。根淡紫黑色。如地黃狀。肉紅白色。肉淺而皮深。三月採根。火炙紫色用。范子計然云：紫參出三輔。有三色。以青赤色爲上。味苦寒。無毒。治諸血病。及心腹積聚。寒熱瘡癩。癰腫積塊之屬。

【集韻】七言古詩【錢起紫參歌并序】紫參幽芳也。五葩連萼。狀飛禽羽舉。俗名之五烏花起。故山道

人蘭若尤豐。此藥校書劉公詠歌之。俾子繼組。遠公林下滿青苔。春藥偏宜問石開。往往幽人尋水見。時時仙蝶隔雲來。陰陽雕刻花如鳥。對鳳連雞一何小。春風宛轉虎溪傍。紫翼紅翹翻霽光。貝葉經前無住

色。蓮花會裏暫留香。蓬山才子憐幽性。白雪陽春動新詠。應知仙卉老煙霞。莫賞天桃滿蹊逕。

王孫

【本草綱目】王孫一名牡蒙。與紫參同名。一名黃孫。一名黃昏。陶弘景曰。今方家皆呼爲黃昏。云牡蒙市人少識者。一名旱藕。其根如藕。吳

普曰。楚名王孫。齊名長孫。又名海孫。吳名白功草。又名蔓延。赤文。整延相當。蘇恭曰。葉似及已而大。根長尺餘。皮肉皆紫色。李時珍曰。葉生頂上。似紫河車葉。氣味苦平無毒。治五臟邪氣。寒濕痺。四肢疼酸。膝冷痛。療百病。益氣。長生不飢。黑毛髮。

【唐書方技傳】開元末。姜撫言。終南有旱藕。餌之延年。狀類葛粉。帝作湯餅。賜大臣。右驍衛將軍甘守誠能詔藥石。曰旱藕。牡蒙也。方家久不用。撫易名以神之。

紫草

【本草綱目】紫草一名紫丹。一名紫芙。一名茈菹。廣雅云。茈。莫紫草也。一名藐。爾雅云。藐。此草。一名地血。一名鴉銜草。本草云。鴉銜。生碭山山谷。南陽新野及楚地。苗似蘭香。莖赤節青。二月開花。紫白色。結實亦白色。秋月熟。根色紫。可以染紫。味甘鹹。氣寒無毒。補中益氣。利九竅。入心包絡及汗經血分。涼血和血。利大小腸。故痘疹欲出未出。血熱毒盛。大便閉澀者。宜用。得木香白朮佐之。尤妙。已出而紫黑閉者。亦可用。若出而紅活者。及白陷大便利者。切忌。蓋脾氣實者可用。脾氣虛。反能作瀉。古方惟用茸。取其初得陽氣。以類觸類。所以用發痘瘡。今

人不達此理。一概用之。則非矣。一切惡瘡癩癬腫毒。亦可用。

【博物志】平氏山之陽。紫草特好。【廣志】隴西紫草。紫之上者。

【樂曲】宋無名氏讀曲歌。紫草生湖邊。誤落芙蓉裏。色分都未獲。空中染蓮子。

【種植】宜黃白輭良之地。青沙地亦善。開荒黍稷下。大佳。性不耐水。必須高田。秋耕深細。撈平。不

深不細。易生草穢。至春又轉耕之。三月種之。耨耩地。逐隴手下子。良田一畝。用子二升半。薄田三升。下訖

撈之。或以輕砒碾過。地潔淨爲佳。隴底草手拔之。用鋤。恐傷根不茂。此草嬌嫩也。【刈穫】九月中子熟。

刈之候燥。聚打取子。收草宜速。竟爲良。濕打則子沓鬱。不速恐遇雨損。草一把。隨以茅束之。擘葛尤善。四

把爲一束。當日斬齊。一顛一倒。十層許。爲長行。置堅平地上。板石壓之。令穉。兩三宿。豎頭置日中曝之。令

沓。沓然。不壓難售。太乾則碎。帶濕爲良。不曬鬱黑。太燥。碎折。五十頭作一洪。著屋下陰涼處。棚棧上。洪十

字大頭向外。以葛纏縛之。棚下勿有驢馬糞及人溺。又忌煙。皆令草失色。其利勝藍。若欲久停者。入五月

內。著屋中。閉門塞向。密泥。勿使風入。漏氣過立。秋然後開出。草色不黑。若經夏。在棚棧上。草便變黑。不復

任用矣。【製用】秋深子熟。撈去其土。連根取。就地鋪齊。少乾。輕振其土。以茅策束。切去虛梢。以之染紫。

其色殊美。【炮炙論】凡使每一斤。用蠟二兩。鎔水拌蒸之。待水乾。取去頭并兩畔髭。細挫用。

其色殊美。【炮炙論】凡使每一斤。用蠟二兩。鎔水拌蒸之。待水乾。取去頭并兩畔髭。細挫用。

白頭翁

【本草綱目】白頭翁

陶弘景曰：近根處有白茸。狀似白頭老翁，故以爲名。

一名野丈人，一名胡王使者，一名柰何草。

李時珍曰：皆狀老翁之意。

蘇頌曰：所在有之。正月生苗，作叢生狀，似白薇而柔細稍長。葉生莖頭如杏葉，上有細白毛而不滑澤。近根有白茸，根紫色深如蔓青。其苗有風則靜，無風而搖，與赤箭獨活同也。氣味苦溫無毒。李杲曰：氣厚味薄，可升可降，治瘡痢狂癡寒熱癥瘕，逐血止諸痛，療金瘡鼻衄，明目，治一切風氣。大明曰：花子莖葉氣味并同。

【五言律詩】唐李白見野草中有白頭翁者，醉入田家去，行歌荒野中，如何青草裏，亦有白頭翁。折取對明鏡，宛將衰鬢同，微芳似相諂，留恨向東風。

白及

【本草綱目】一名連及草，一名甘根，一名白給。

李時珍曰：其根白色，連及而生，故曰白及。連及其味苦，而曰甘根，反言也。吳普作白根，其根有白，亦通。金光明

經謂之罔達羅喝，悉多別錄作白給。

韓保昇曰：葉似初生椶苗葉及藜蘆。三四月抽出一莖，開紫花。七月實熟，黃黑色。冬凋。

根似菱，有三角，白色，角頭生芽。八月采根用。李時珍曰：一科止抽一莖，開花長寸許，紅紫色，中心如舌，其根如菱米，有臍如鳧茈之臍，又如扁螺旋紋，性難乾。

三七

圓三七一名山漆。一名金不換。本草云：彼人言其葉左三右四，故名三七。蓋恐不然，或云木名山漆，謂其能合金瘡，如漆黏物也。此說近之。金不換，貴重之稱也。生廣西南丹諸州番峒深山中。采根曝乾，黃黑色，團結者，狀略似白及。長者如老薑，地黃有節，味微甘而苦，頗似人參之味。氣溫無毒，止血散血，亦主吐血衄血，下血血痢，崩中不止，產後惡血不下，血量血痛，赤目癰腫，虎咬蛇傷諸病。治金瘡箭傷，跌撲杖瘡，血出不止，嚼爛塗，或爲末摻之，血立止。青腫者卽消。若受杖時先服一二錢，則血不衝心。杖後尤宜服。產後服亦良。乃陽明厥陰血分之藥，故能治一切血病。忌鐵器。與騏驎竭紫釧相同。試法以末摻豬血中，血化爲水者乃真。其葉功效略同。本草綱目云：近傳一種草，春生苗夏高三四尺，葉似菊艾，而勁厚有岐尖，莖有赤稜。夏秋間開黃花，藥如金絲，盤紐可愛，而氣不香。花乾成絮，如苦蕒絮根葉，味甘。治金瘡折傷出血，及上下血病甚効。云星三七，而根大如牛蒡根，與南中來者不類，恐是劉寄奴之屬，甚易繁衍。

黃連

圓黃連一名王連。一名支連。本草綱目云：其根連珠而色黃，故名。江湖荆夔皆有，而以宣城九節堅重相擊有聲者爲勝。施黔者次之。東陽歙州處州者又次之。苗高尺許，叢生，一莖三葉，葉似甘菊，凌冬不凋。四月開花，黃色。六月結實似芹子，色亦黃。江左者根黃，節高若連珠，葉如小雉尾草。正月開花，作細穗，淡黃白色。六七月根緊，始堪采。蘇恭云：蜀道者麤大，味極濃苦，療渴爲最。江東者節如連珠，療痢大善。澧州者更勝。李時珍云：今

雖吳蜀皆有。惟以雅州眉州者爲良。大抵有二種。一種根麤無毛。有珠如鷹雞爪。形色深黃而堅實。一種無珠多毛。黃色稍淡。而中虛。味苦寒無毒。止消渴。厚腸胃。利骨益膽。降火療口瘡。其用有六。瀉心臟火。一也。去中焦濕熱。二也。諸瘡必用。三也。除風濕。四也。治赤眼暴發。五也。止中部見血。六也。

【書】宋史地理志。施州貢黃連。【神仙傳】封衡字君達。隴西人也。幼學道。通老莊學。勤訪真訣。初服黃連。五十年後。入烏獸山採藥。又服朮百餘年。還鄉里。如二十許人。【異林】弘治乙卯。長沙大旱。黃連上生。王瓜。

【贊】宋王微黃連贊。黃連味苦。左右相因。斷涼滌暑。闢命輕身。縉雲昔御。飛蹕上旻。不行而至。吾聞其人。

【頌】梁江淹黃連頌。黃連上草。丹砂之次。禦孽辟妖。長靈久視。驂龍行天。馴鳳匝地。鴻飛以儀。順道則利。

【書】宋秦觀與喬希聖論黃連書。某比聞公以眼疾餌黃連。至數十兩。猶不已。不知果然否。審如所聞。殆不可也。某頃年血氣未定。頗好方術之說。讀醫經數年。嘗記釋者云。服黃連苦參。久而反熱。甚以爲不然。後乃信之。蓋五味入胃。各歸其所喜。故酸先歸肝。苦先歸心。甘先歸脾。辛先歸肺。鹹先歸腎。入肝則爲溫。入心則爲熱。入肺則爲清。入腎則爲寒。入脾則爲至陰。而血氣兼之。皆謂增其氣不已。則臟氣有所

偏勝有所偏勝。則必有所偏絕。黃連苦參。性雖大寒。然其味至苦。入胃則先歸於心。久而不已。則心火之氣勝。火勝則熱。乃其理也。眼疾之生。本於肝之熱。肝與心爲子母。夫心爲子。肝爲母。心火也。肝亦火也。腎孤臟也。人嘗患一水不勝二火。今病本於肝。而久餌苦藥。使心有所偏勝。是所謂以火救火。命之曰益多。其不可亦明矣。夫藥所以療疾。其過也適所以爲疾。聞比初作時。十已損其七八。正宜節藥。慎護飲食。以俟其自平。非如決疣潰癰。可以忽然一朝去也。輒具以進。惟留意而聽之無忽。

【五言古詩】贈明吳寬黃連。花細山桂然。階下不堪嗅。野人劚其根。根長節應九。苦節不可真。服食可資壽。其功利於病。有客嫌苦口。戒予勿種茲。味苦和難受。豈不見甘草。百藥無不有。

【五言絕句】贈明僧智舷黃山黃連。黃山有黃連。甘美類蘋果。不是性味移。頭陀能忘苦。

【詩散句】贈宋蘇軾。蜂鬧黃連采蜜花。

【別錄原】本草綱目。本經別錄。並無黃連久服長生之說。惟陶弘景言道方服食長生。竊謂黃連大苦大寒之藥。用之降火燥濕。中病卽當止。豈可久服使肅殺之令常行。而伐其生發冲和之氣乎。荆端王素多火病。醫令服金花丸。乃芩連梔柏四味。服至數年。其火愈熾。遂至內障喪明。觀此則寒苦之藥。不但使人不能長生。久則氣增偏勝。速天之由矣。陶氏道書之說。皆謬談也。【製用】布拭去毛。漿水浸半日。漉出柳木火培乾。用黃連入手少陰心經。爲治火主藥。治本臟火。生用。治肝膽實火。豬膽汁浸炒。治肝膽虛。

火醋浸炒。治上焦火。酒炒。治中焦火。薑汁炒。治下焦火。鹽水或朴硝炒。治氣分濕熱之火。茱萸湯浸炒。治血分塊中伏火。乾漆水炒。治食積之火。黃土炒。不獨爲之引導。蓋辛熱能制其苦寒。酸寒能制其燥性。用者詳酌之。

附錄 胡黃連

圓胡黃連一名割孤露澤。本草綱目云其性味功用似黃連故名割孤露澤楚語也。生波斯國海畔陸地。今南海秦隴間亦有之。初生似蘆苗。若夏枯草。根頭似鳥嘴。乾則似楊柳枯枝。心黑外黃。折之內似鸚鵡眼。塵出如煙者良。八月上旬採。氣味苦平無毒。治骨蒸勞熱。三消五心煩熱。婦人胎蒸虛驚冷熱。洩痢。厚腸胃。益顏色。

黃芩

圓黃芩。本草綱目云芩說文作葢謂其色黃也。或云芩者黠也。黠乃黃黑之色也。一名經芩。一名空腸。一名腐腸。一名內虛。一名黃文。一名印頭。一名妒婦。一名苦督郵。內實者名子芩。一名條芩。一名狍尾芩。一名鼠尾芩。本草註云圓者名子芩。破者名宿芩。其腹中皆爛。故名腐腸。綱目云宿芩乃舊根。多中空。外黃內黑。卽今所謂片芩。故又有腐腸妒婦諸名。妒婦心黯。故以比之。子芩乃新根。多內實。卽今所謂條芩。或云四芩。多中空而色黯。北芩多內實而深黃。川蜀河東陝西近郡皆有之。苗長尺餘。莖蘼如筍。葉從地四面作叢生。類紫草。高一尺許。亦有獨莖者。葉細長青色。兩兩相對。六月開紫花。根如知母。長四五寸。二月八月采。根曝乾。氣寒。味微苦而甘。氣厚味薄。得酒上行。得豬膽汁。除肝膽火。得柴胡。退寒熱。得厚朴黃連。止腹痛。得芍藥。止下痢。得桑白皮。瀉肺火。得五味子。

牡蠣令人有子。得白朮安胎。得黃芪白斂赤小豆療鼠瘻。李時珍曰。黃芩氣寒味苦。色黃帶綠。苦入心。寒勝熱。瀉心火。治脾之濕熱。一則金不受刑。一則胃火不流入肺。卽所以救肺也。肺虛不宜者。苦寒傷脾胃。損其母也。少陽之證。寒熱胸脇痞滿。實兼心肺上焦之邪。心煩喜嘔。默默不欲飲食。又兼脾胃中焦之證。宜用黃芩以治手足少陽相火。黃芩亦少陽本經藥也。

【別錄】物類相感志。磨黃芩寫字在紙上。以水沉去紙。則字畫脫在水面上。【本草綱目】子年二十時。因感冒咳嗽既久。且犯戒。遂病骨蒸發熱。膚如火燎。每日吐痰盃許。暑月煩渴。寢食旣廢。六脈浮洪。遍服柴胡麥門冬荆瀝諸藥。月餘益劇。皆以爲必死矣。先君偶思李杲治肺熱。如火燎煩燥引飲而晝盛者。氣分熱。宜一味黃芩湯以瀉肺經氣分之火。遂按方用片芩一兩。水二鍾煎一鍾頓服。次日身熱盡退。而痰嗽皆愈。藥中冒緊。如鼓應桴。醫中之妙。有如此哉。

秦芫

【本草綱目】秦芫一名秦紉。一名秦爪。蘇恭云。俗作秦膠。本名秦紉。與糾同。李時珍曰。出秦中。以根作羅紋交糾者佳。故名。蘇頌曰。河陝州郡多

有之。其根土黃色而相交糾。長一尺以來。麤細不等。枝幹高五六寸。葉婆娑連莖。梗俱青色。如萹苳葉。六月中開花紫色。似萹花。當月結子。每於春秋采根陰乾。李時珍曰。以左文者爲良。氣味苦平無毒。治寒熱邪氣。寒濕風痺。肢節痛骨蒸疢。及時氣療黃疸。解酒毒。去頭風。瀉血養血。榮筋益膽氣。治胃熱。手足陽明

經也兼入肝膽

柴胡

【本草綱目】柴胡柴舊作此蘇恭曰此古柴字

一名地薰。一名芸蒿。一名山菜。一名茹草。李時珍曰嫩則可茹老則采而爲柴故有芸蒿諸名

而根名蘇頌曰關陝江湖間近道皆有之以銀州者爲勝二月生苗甚香莖青紫堅硬微有細線葉似竹葉而稍緊小亦有似斜蒿者亦有似麥門冬葉而短者七月開黃花根淡赤色似前胡而強生丹州者結青子與他處者不類其根似蘆頭有赤毛如鼠尾獨窠長者好李時珍曰銀州卽今延安府神木縣所產柴胡長尺餘而微白且軟不易得也北地所產者亦如前胡而軟今人謂之北柴胡是也入藥亦良南土所產者不似前胡正如蒿根強硬不堪使用其苗有如韭葉者竹葉者以竹葉者爲勝其如邪蒿者最下也近時有一種根似桔梗沙參白色而大市人以僞充銀柴胡殊無氣味不可不辨氣味苦平無毒治心腹腸胃中結氣飲食積聚寒熱邪氣五勞七傷頭痛目昏耳鳴諸瘧婦人產前產後諸熱小兒痘疹時疾內外熱不解單煮服之良

【戰國策】今求柴胡桔梗於沮澤則累世不得一焉及之罽黍梁父之陰則邳車而載耳【炮

炙論】此胡出銀州銀縣西畔生處多有白鶴綠鶴於此飛翔是此胡香直上雲間若有過往聞者皆氣爽也

別錄【炮炙論】凡采得銀州柴胡。去鬚及頭。用銀刀削去赤薄皮少許。以麤布拭淨。剉用。勿令犯火。立便無効。

前胡

增【本草綱目】前胡。孫誦唐韻作滿胡。蘇頌曰。陝西梁漢江淮荆襄州郡。及相州孟州皆有之。春生苗。青白色。似

邪蒿。初出時。有白芽長三四寸。味甚香美。又似芸蒿。七月內開白花。與蔥花相類。八月結實。根青紫色。今鄜延將來者。大與柴胡相似。但柴胡赤色而脆。前胡黃色而柔軟。爲不同耳。一說今諸方所用前胡皆不同。汴京北地者。色黃白。枯脆。絕無氣味。江東乃有三四種。一種類當歸。皮斑黑肌黃。而脂潤。氣味濃烈。一種色理黃白。似人參。而細短。香味都微。一種如草烏頭者。膚赤而堅。有兩三岐。爲一本。皆非真前胡也。今最上者出吳中。又壽春生者。皆類柴胡。而大氣芳烈。味亦濃苦。李時珍曰。前胡有數種。惟以苗高一二尺。色似邪蒿。葉如野菊。而細瘦。嫩時可食。秋月開驂白花。類蛇牀子花。其根皮黑肉白。有香氣。爲真。大抵北地者爲勝。故方書稱北前胡云。氣味苦。微寒無毒。治一切氣破癥結。開胃下食。通五臟。主霍亂。轉筋骨。節煩悶。反胃。嘔逆。氣喘咳嗽。安胎。小兒一切疳氣。清肺熱。化痰熱。散風邪。

別錄【炮炙論】凡修治。先用刀刮去蒼黑皮。並髭細剉。以甜竹瀝浸令潤。日中曬乾用。

防風

【**圓防風**一名屏風一名回芸一名目草一名銅芸一名蔞根一名百枝一名百蜚】本草綱目云防者禦也其花如茴香其氣如芸蒿藳蘭也出齊州龍山最善淄青兗者亦佳今汴東淮浙皆有之莖葉俱青綠色莖深而葉淡似青蒿而短小春初嫩時紫紅色采作菜茹極爽口五月開細白花中心攢聚作大房似

薔蘿花實似胡荽子而大根土黃色與蜀葵根相類二月十月采關中生者三月六月采然輕虛不及齊州者良氣溫味辛而甘治三十六種風男子一切勞劣補中益神通利五臟心煩體重羸瘦盜汗散頭目中滯氣經絡中留濕得蔥白能行週身又有石防風出河中府根如蒿根而黃葉青花白五月開花六月采根曝乾亦療頭風

【**翼防風**】博物志太原晉陽以北生屏風草【**酉陽雜俎**】香州防風子可亂畢撥【**圓**】金鑿密記白居易在翰林賜防風粥一甌別取防風得五合餘食之口香七日

【**別防風**】製用江淮所產多是石防風生于山石之間二月采嫩苗作菜辛甘而香呼爲珊瑚菜其根麤醜子亦可種入藥以黃色脂潤頭節堅如蚯蚓頭者爲好白者多沙條不堪用【**禁忌**】又頭者令人發狂又尾者發人痼疾

獨活

【**獨活**一名羌活一名羌青一名獨搖草一名護羌使者一名胡王使者一名長生草】陶弘景曰